

# STJÓRNARTÍÐINDI B 17 – 2000

---

3. febrúar 2000

263

Nr. 66

## AUGLÝSING

### um staðfestingu á breytingu á aðalskipulagi Akraness 1992-2012, Ásar.

Samkvæmt skipulags- og byggingarlögum nr. 73/1997, sbr. 2. mgr. 21. gr., hefur ráðherra þann 3. febrúar 2000 staðfest breytingu á aðalskipulagi Akraness 1992-2012 frá 2. júní 1995.

Breytingin snertir svæði sem er 2,4 ha að stærð og skilgreint er sem opið svæði og að nokkru opið svæði til sérstakra nota (golfvöllur). Svæðið verði skilgreint undir íbúðabyggð, þó þannig að skilin eru eftir opin svæði beggja vegna Leynislækjar. Svæðið liggur að mörkum Innra-Akraneshrepps.

Uppdrátturinn hefur hlotið þá meðferð sem skipulags- og byggingarlög mæla fyrir um og samþykki bæjarstjórnar Akraness. Skipulagsstofnun hefur afgreitt erindið til staðfestingar.

*Umhverfisstjórnuneytinu, 3. febrúar 2000.*

**Siv Friðleifsdóttir.**

---

*Ingimar Sigurðsson.*

3. febrúar 2000

Nr. 67

## REGLUR

### um reikningskil og ársreikning Seðlabanka Íslands.

1. gr.

Að svo miklu leyti sem ekki er sérstaklega mælt fyrir á annan veg í reglum þessum gilda ákvæði laga nr. 113/1996, um viðskiptabanka og sparisjóði, og nr. 145/1994, um bókhald, svo og góðar bókhalds- og reikningskilavenjur um gerð ársreiknings Seðlabanka Íslands.

2. gr.

Gulleign bankans skal meta á síðasta skráða verði ársins, eins og það er ákvarðað af Fixing Committee of the London Bullion Association.

## 3. gr.

Kostnaðarverð varanlegra fjármuna skal gjaldfæra í rekstrarreikningi á því ári, sem þeir eru keyptir eða byggðir.

## 4. gr.

Árlega skal færa verðbreytingafærslu. Stofn til útreiknings hennar skal annars vegar miðast við stöðu gengistryggðra efnahagsliða og skal þá miðað við breytingar á gengi SDR á árinu. Hins vegar skal útreikningurinn taka til stöðu efnahagsliða í íslenskum krónum og skal þá miðað við breytingu á vísitölu neysluverðs á árinu. Framreikna skal stöðu efnahagsliða í ársbyrjun til árslokaverðlags og taka tillit til breytinga á árinu. Mismunurinn á þannig reiknaðri stöðu og raunverulegri stöðu efnahagsliða í árslok myndar verðbreytingafærslu ársins.

## 5. gr.

Framlag til ríkissjóðs af rekstrarafgangi bankans skal reikna og gjaldfæra í rekstrarreikningi og skuldfæra í efnahagsreikningi, sbr. 33. gr. laga 36/1986, með síðari breytingum.

## 6. gr.

Árlega skal reikna framlag í arðsjóð skv. 33. gr. laga nr. 36/1986, með síðari breytingum. Hlut Vísindasjóðs í framlaginu skal færa í rekstrarreikning og skuldfæra í efnahagsreikningi. Sá hluti framlagsins sem rennur í arðsjóð millifærist af öðru eigin fé bankans.

## 7. gr.

Reglur þessar eru settar samkvæmt heimild í 31. gr. laga nr. 36/1986, um Seðlabanka Íslands, með síðari breytingu. Reglurnar öðlast þegar gildi, en gilda einnig fyrir það reikningsár sem hófst á árinu 1999. Jafnframt falla úr gildi reglur um sama efni nr. 72 frá 12. febrúar 1987.

*Forsætisráðuneytinu, 3. febrúar 2000.*

**Davíð Oddsson.**

*Ólafur Davíðsson.*

## AUGLÝSING

### um deiliskipulag og breytingu á deiliskipulagi í Reykjavík.

*Suðurhlíð 35.*

Samkvæmt skipulags- og byggingarlögum hefur borgarráð Reykjavíkur þann 28. september 1999 samþykkt skipulag lóðarinnar Suðurhlíð 35.

Deiliskipulagið hefur verið sent Skipulagsstofnun til yfirferðar.

Skipulagið öðlast þegar gildi.

*Nethylur 3-3A.*

Samkvæmt skipulags- og byggingarlögum hefur borgarráð Reykjavíkur þann 17. ágúst 1999 samþykkt lóðarstækkun og skipulag lóðarinnar Nethylur 3-3A.

Deiliskipulagið hefur verið sent Skipulagsstofnun til yfirferðar.

Skipulagið öðlast þegar gildi.